

Il 24avel Top Pop Rumantsch – direct en la malura

■ (cp) **Suenter divers interprets da la generaziun giuvna suonda en la retscha musicala dal Radio Rumantsch puspè ina giada ina vusch veterana: Flavio Huonder e ses Galiots preschantan il 24avel Top Pop Rumantsch cun la chanzun «Pirats». Curt avant Nadal ha ina banda da tschintg Galiots registrà en il studio Aquarium a Turitg ina chanzun che cumenza cun in vegl proverbialitost macaber: «Buca mo ils aungnels sgolan, er il giavel ei sin tur.» Il refrain daventa lur anc pli**

nair e dechanta in mund che va direct en la malura – propi betg ils tuns da bunas nuvellas, quai che quest 24avel Top Pop Rumantsch palaisa. Ma la tempra da la chanzun relativescha in pau il cuntegn, in flot ritmus american maina tras las lingias ed in orgelin electric omnipreschent lascha anc ina sbrinzla speranza vi da quests «Pirats» apocaliptics. – Davos la chanzun stat ina figura veterana dal rock rumantsch, l'antieriur «Caschiel, Carnpiertg e Remiedi» *Flavio Huonder*. Dapi passa diesch onns

rimna il ghitarrist e chantautur ses Galiots en in tschaler da Domat, maschadond l'umor laconic d'antruras cun la rutina professiunala dad ina nova generaziun. E sche la gruppa va magari or sin palc brigliescha ella er cun reprisas famusas dad AC/DC fin Bob Dylan... chantadas per rumantsch! Per exempel sonda saira, ils 12 da favrer 2011 al Cinema Sil Plaz a Glion. Sa chapescha vegnan ils Galiots lura er a preschentar lur «Pirats» – il nov Top Pop dal Radio Rumantsch.



Ils Galiots cun Flavio Huonder (chant e ghitarra), Corsin Stecher (ghitarra e bass), Sep Sgier (bass e ghitarra), Fabian Huonder (tastas e chant), Giorgio Arpagaus (batteria).